

唐  
音  
統  
籤

丁籤四十九

唐音統籤卷一

三百

張碧字太碧貞元時人歌行集二卷

唐宋志同

今存十

三篇

碧自序云碧嘗讀李長吉集謂春拆紅翠霽

天與俱高青且無際鵬觸巨海濶濶怒翻則觀長

吉之篇若涉嵩之巔視諸阜者耶余嘗銳志狂勇

心魄恨不得攤文陣以交鋒觀拔戟拔劍而北矣

孟東野讀張碧集詩云天寶太白沒六義已消

歌大哉國風本喪而上澤竭先生今復生斯文信

難缺下筆證與亡陳辭脩風骨高秋數奏琴澄潭

碧集中有覽貫休上人詩休公非碧同時人知原

集偽入者多

今此詩亦亡

野田行

風昏晝色飛斜雨冤骨干堆髑髏語八絃牢落人

物悲是箇田園荒廢主悲嗟自古爭天下幾度乾  
坤復如此秦皇矻矻築長城漢祖區區白蛇死野  
田之骨兮又成塵樓閣風煙兮還復新願得華山  
之下長歸馬野田無復堆冤者

秋日登岳陽樓晴望

三秋倚練飛金盞洞庭波定平如剡天高雲捲綠  
羅低一點君山礙人眼漫漫鴈墳鋪琉璃煙波闊  
遠無鳥飛西南東北競無際直疑灩斷青天涯屈  
原回日牽愁吟龍宮感激致應沈賈生憔悴說不  
得茫茫煙靄堆湖心

一作范蠡帆張一掌  
風無人來往繼其中

題祖山人池上怪石

寒姿數片竒突兀曾作秋江秋水骨先生應是厭  
風雲著向江邊塞龍窟我來池上傾酒尊半酣書  
破青煙痕參差翠縷擺不落筆頭驚怪粘秋雲我  
聞吳中項容水墨有高價邀得將來倚松下鋪却  
雙繒直道難掉首空歸不成畫

鴻溝

毒龍銜日天地昏八紘變鍵生愁雲秦原走鹿無  
藏處紛紛爭處蜂成祥四溟波立鯨相吞蕩搖五  
嶽崩山根魚蝦舞浪狂鯁鯁龍虵膽戰登鴻門星

旗羽鏃強者尊黑鳳白雨東西中山河欲拆人煙  
分壯士鼓勇君王存項莊憤氣吐不得亞夫斗聲  
天上聞玉光墮地驚崑崙留侯氣魄吞太華舌頭  
一寸生陽春神農女媧愁不言蚺枯老媪啼淚痕  
星曹定秤秤王孫項籍骨輕述精魂沛公仰面爭  
乾坤須臾垓下賊星起歌聲繚繞悽人耳吳娃捧  
酒橫秋波霜天月照空城壘力援山兮呼到此騅  
嘶懶渡烏江水新豐瑞色生樓臺西楚寒蒿哭愁  
鬼三尺霜鳴金匣裏神光一照八千里漢王驟馬  
意氣生西南掃地迎天子

美人梳頭

玉堂花院小枝紅綠窓一片春光曉玉容驚覺濃  
睡醒圓蟾挂出粧臺表金盤解下叢鬟碎三尺巫  
雲結朝翠皓指高低寸黛愁水精梳滑參差墜須  
臆攏掠蟬鬢生玉釵冷透冬冰明芙蓉拆向新開  
臉秋泉慢轉眸波橫鸚鵡偷來話心曲屏風半倚  
遙山綠

幽思

金爐煙瀉微銀缸殘影滅出戶獨徘徊落花滿明  
月

貧女

豈是昧寒華豈不知機織自是生寒門良媒不相識

古意

鑾輿不輟香塵滅更殘三十六宮月手持紈扇獨含情秋風吹落橫波血

游春引三首

句芒愛弄春風權開萌發翠無黨偏句芒小女精神巧機羅杼綺滿平川

五陵年少輕薄客蠻錦花多春袖窄酌桂鳴金翫

物華星蹄繡轂填香陌

千條碧練輕拖水金毛泣怕春江死萬粟俱含造  
化恩見我春公無私理

農父

運鋤耕斲侵星起隴畝豐盈滿家喜到頭禾黍屬  
他人不知何處拋妻子

惜花三首

千枝萬枝占春開彤霞著地紅成堆一窖閒愁驅  
不去殷勤對爾酌金杯

老鴉拍翼盤空疾準擬生如瞬息阿母蟠桃香



月半  
未齊漢皇骨葬秋山碧  
朝開暮落煎人老無人爲報東君道留取穠紅伴  
醉吟莫教少女來吹掃

丁籤五十

唐音統籤卷二

三百

雍裕之貞元後詩人也集一卷

唐宋志同

五雜組

五雜組刺繡窠往復還織錦梭不得已戌交河

自君之出矣

自君之出矣寶鏡爲誰明思君如隴水長聞鳴咽

聲

江上

綺霞明赤岸錦纜繞丹枝楚客正愁絕西風且莫

吹

贈苦行僧

幽深紅葉寺清淨白毫僧古殿長鳴磬低頭禮畫  
燈

三月晦日送客

野酌亂無巡送君兼送春明年春色至莫作未歸  
人

折柳贈行人

那言柳亂垂盡日任風吹欲識千條恨和煙折  
枝

題蒲葵扇

傾心曾向日在手幸播風羨爾逢提握知名自謝公

山中桂

八樹拂丹霄四時青不凋秋風何處起先裊最長條

江邊柳

娟娟古堤邊青青一樹煙若爲絲不斷留取繫郎船

柳絮

無風繞到地有風還滿空纖柔偏似雪莫近髣髯

葦

蘆花

夾岸復連沙  
枝枝搖浪花  
月明渾似雪  
無處認漁家

游絲

游絲何所似  
應最似春心  
一向風前亂  
千條不可尋

剪綵花

敢競桃李色  
自呈刀尺功  
蝶猶迷剪翠  
人豈辨裁紅

殘鶯

花闌鶯亦嬾不語似含情何言百轉舌唯餘一兩聲

早蟬

一聲清潄暑幾處促流年志士心偏苦初聞獨泫然

秋蛩

雨絕蒼苔地月斜青草階蛩鳴誰不怨况是正離懷

江上聞猿

月音新盡  
楓岸月斜明猿啼旅夢驚愁多腸易斷不待第三聲

四氣

春禽猶競轉夏木忽交陰稍覺秋山遠俄驚冬霰深

四色四首

壺中冰始結盤上露初圓何意瑤池雪欲奪鶴毛鮮

道士牛已至僊家鳥亦來骨爲神不朽眼向故人開

勞飭蓮渚內汗馬火旂間平生血誠盡不獨左輪  
殷

已見池盡墨誰言突不黔  
漆身恩未報貂裘弊豈  
嫌

大言

四溟栢淥醕五嶽髻青螺揮汗曾成雨畫地亦成  
河

細言

蚊眉自可託蝸角豈勞爭欲效絲毫力誰知螻蟻  
誠



農家望晴

嘗聞秦地西風雨爲問西風早晚回  
白髮老農如鶴立麥場高處望雲開

曲江池上

殷勤春在曲江頭全藉群仙占勝遊  
何必三山待鸞鶴年年此地是瀛洲

宿棣華館聞鴈

不堪旅宿棣華館况有離群鴻鴈聲  
一點秋鐙殘影下不知寒夢幾回驚

聽彈沈湘

賈誼投文弔屈平  
瑤琴能寫此時情  
秋風一奏沈湘曲  
流水千年作恨聲

豪家夏冰詠

金錯銀盤貯賜冰  
清光如聳玉山稜  
無論塵客開停扇  
直到消時不見蠅

宮人斜

幾多紅粉委黃泥  
野鳥如歌又似啼  
應有春魂化爲燕  
年年飛入未央棲

兩頭纖纖

兩頭纖纖八字眉  
半白半黑鑿影帷  
膈膈膊膊曉

禽飛磊磊落落秋果垂

了語

掃却煙塵寇初勦深水高林放魚鳥鷄人唱絕殘  
漏曉僊樂拍終天悄悄

不了語

浮名世利知多少朝市喧喧塵擾擾車馬交馳  
復來鍾鼓相催天又曉

丁籤五十一

唐音統籤卷三

三百

長孫佐輔朔方人有古調集一卷

唐宋志無通考經籍志有陳

氏書錄云刑公百家詩選以爲德宗時人有弟公輔爲吉州刺史佐輔往依焉他無考

隴西行

陰雲凝朔氣隴上正飛雪四月草不生北風勁如  
割朝來羽書急夜宿長城窟道隘行不前相呼抱  
鞍歇人寒指欲墮馬凍蹄皆裂射鴈旋克饑斧冰  
還止渴寧辭解圍闔但恐乘疲沒早晚邊候空歸  
來養羸骨

關山月

樓樓還切切戍客多離別何處最傷心關山見秋  
月關月竟如何由來遠近過始經玄兔塞終照白  
狼河忽憶秦樓婦流光應共有已得並蛾眉還知  
攬纖手去歲照同行比翼復連形今宵照獨立顧  
影自笑笑餘暉漸西落夜夜看如昨借問映旌旗  
何如鑒帷幙拂曉朔風悲蓬驚鴈不飛幾時征戍  
罷還向月中歸

### 山居

看書愛幽寂結宇青冥間飛泉引風聽古桂和雲  
攀地深草木稠境靜魚鳥閒陰氣晚出谷朝光先

照山有時獨杖藜  
入夜猶啓關  
星昏歸鳥過  
火出  
樵童還神體  
自和適  
不是離人寰

山行書事

日落風颼颼  
驅車行遠郊  
中心有所悉  
古墓穿黃  
茅  
第中狐兔窠  
四面鳥鳴  
巢  
鬼火時獨出  
人煙不  
相交  
行行近破村  
一徑欹  
邐迤  
迎霜聽蟋蟀  
向月  
看蟪蛄  
翁喜客來坐  
客來羞  
劇庖  
濁醪誇  
醅螳  
時  
葉仍新  
色相勸  
對寒燈  
呼兒  
爨  
枯  
樵  
雅  
朴  
頗  
近  
古  
其言無  
斗筭  
憂  
歡  
世  
上  
并  
歲  
月  
途  
中  
拋  
誰  
知  
問  
津  
客  
空  
作  
楊  
柳  
嘲

楚州鹽壩古壙望海

混沌本冥冥，泄爲淇川流。雄哉大造化，萬古橫中州。  
我從西北來，登高望蓬丘。陰晴乍開合，天地相沈浮。  
長風卷繁雲，日出扶桑頭。水淨露鰈室，煙銷疑蜃樓。  
時來會雲翔，道蹇卽津遊。明發促歸軫，滄波非宿謀。

聞韋駙馬使君遷拜台州

漢藩軫帝憂，見說初鳴騶。德勝禍先戢，情閑思自流。  
盤股桑柘空，廩實雀鼠稠。諫虎昔賜駿，安人將問牛。  
曾陪後乘先，共逐平津遊。旌旆擁追賞，歌鍾

催獻酬音微一寂寥貴賤雙沈浮北郭之中崖東  
方稱上頭躋山望百城目盡增遐愁海逼日月近  
天尚星漢秋無階異漸鴻有志慙馴鷗終期促孤  
棹暫訪天台幽

對鏡吟

憶昔逢君新納聘青銅鑄出千年鏡意憐光彩固  
無瑕義比恩情永相映每將鑒面兼鑒心鑒來不  
輟情逾深君非結心空結帶結處尚新恩已背開  
簾覓鏡悲難語對面相看孟門阻掩匣徒慙雙鳳  
飛懸臺欲效孤鸞舞昔日照來人共許今朝照罷



自生疑鏡上有塵猶可拂君恩詎肯無迴時

古宮怨

窓前好樹名玫瑰去年花落今年開無情春色尚  
識反君心忽斷何時來憶昔粧成候仙仗宮璫玲  
瓏日新上拊心却笑西子顰掩鼻誰憂鄭姬謗草  
染文章衣下履花粘甲乙牀前帳三千玉貌休自  
誇十二金釵獨相向盛衰傾奪欲何如嬌愛翻悲  
逐倭謖重遠豈能慙沼鵠棄前方見泣舩魚看籠  
不記薰籠腦詠扇空曾禿鼠鬚如喜類羅新託相  
終傷如薺却甘茶院深獨開蓮獨閉鸚鵡驚飛首

覆地滿箱舊賜前日衣滴枕新垂夜來淚恨多開  
鏡照還悲綠髻青娥尚未衰莫道新絲長絕比猶  
逢故劍會相追

代答邊信同心結

彤管遺編作佐輔妻詩未知何據

征人去年戍遼水夜得邊書字盈紙揮刀就燭裁  
紅綺結作同心答千里君寄邊書書莫絕妾答同  
心心自結同心再解心不離書字頻看字愁滅結  
成一夜和淚封貯書只在懷袖中莫如書字固難  
久願學同心長可同

南中客舍對雨送故人歸北

猿聲啾啾鴈聲苦  
卷簾相對愁不語  
幾年客吳君在楚  
况送君歸我猶阻  
家書作得不忍封  
北風吹斷階前雨

山行經村徑

一徑有人迹到來  
唯數家依稀聽機杼  
寂歷看桑麻雨濕渡頭草  
風吹墳上花却驅羸馬去  
數點歸林鴉

杭州秋日別故友

相見又相別大江秋水深  
悲歡一世事去住兩鄉心  
浙瀝籬下葉淒清階上琴  
獨隨孤棹去何處更

同衾

代別後夢別

別中還夢別悲後更生悲覺夢俱千里追期難再  
期翻思夢裏苦却恨覺來遲縱是非真事何妨夢  
會時

尋山家

才調集作佐輔詩  
紀事作羊士諤

獨訪山家步還歇

一作歌還  
涉疑誤

茅屋斜連隔松葉主

人閑語未開門繞籬野菜飛黃蝶

若溪漁隱云余  
嘗居林落間食

飽文節繼步款鄰家之扉小立待之暇  
前景物悉如詩中語然後知其工也

別友人

愁多不忍醒時別想極還尋靜處行誰遣同衾又  
分手不如行路本無情

擬古詠河邊枯樹

野火燒枝水洗根數圍孤樹半心存應是無機承  
雨露却將春色寄苔痕

傷故人歌妓

愁臉無紅衣滿塵萬家門戶不容身曾將一笑君  
前去誤殺幾多回顧人

丁籤五十二

至五十  
六同卷

唐音統籤卷三百四

楊炎字公南鳳翔人德宗朝拜門下侍郎秉政後

貶崖州司馬賜死集十卷

唐宋志同今存詩一篇

流崖州至鬼門關作

一去一萬里千知千不還崖州何處在生度鬼門

關

句

雪面淡眉天上女鳳簫驚翅欲飛去玉山翹翠步

無塵楚腰如柳不勝春

杜陽雜編云載寵姬薛瑤英玉質香肌善歌舞惟

災及賈至與載善得見  
災作長歌贈之其畧云

唐音統籤

卷三百四

丁籤五十三

陸贄字敬輿嘉興人德宗朝歷翰林學士從幸奉

天密謀効讜爲多尋拜中書侍郎同平章事中讒

構貶忠州別駕卒集二十七卷

陳氏書錄云權德輿序稱制誥集十

三卷奏章七卷中書奏議七卷今所有者翰苑集十卷勝子集十二卷其別集文賦表狀十五卷不

傳今存詩三篇

曉過南宮聞太常清樂

南宮聞古樂拂曙聽初驚煙靄遙迷處絲桐暗辨  
名節隨新律改聲帶緒風輕合雅將移俗同和自  
感情遠音兼曉漏餘響過春城九奏明初月寥寥

天地清

禁中春松

作白行簡  
詩者誤

陰陰清禁裏蒼翠滿春松雨露恩偏近陽和色更

一作正

濃高枝分曉日虛吹

一作靈韻

維宵鐘香助鑪煙

遠形凝蓋影重願符千載

一作千歲

壽不羨五株封儻

一作長

得廻天眷全勝老碧峰

御園芳草

陰陰御園裏瑤草日光長  
霏靡含煙霧依稀帶夕

陽雨餘蕙更密風暖蕙初香  
擁仗緣馳道乘輿入

建章濕煙搖不散細影亂無行  
恒恐韶光晚何人



辨早芳

句

遶堦流瀼瀼來砌樹陰陰

任江淮尉題廳語林

丁籤五十四

柳渾字夷曠襄州人貞元初兵部侍郎同平章事

集十卷

宋志

今存詩一篇

牡丹

渾性節儉貞元中牡丹最多渾賦此警俗

近來無柰牡丹何數十千錢買一顆今朝始得分  
明見也其戎葵不校多

丁籤五十五

鄭餘慶字居業榮陽人德憲二朝再爲相後出鎮

山南西道穆宗立加檢校司徒卒集五十卷

唐志有宋

志今存詩一篇

和黃門相公詔還題石門洞

黃門相公武元衡也

紫氣隴馬處黃閣駐車情嵌壑驚山勢周灘戀水

聲地分三蜀限關志百牢名琬琰攀酬郢微言典

飪情

丁籤五十六

韋牟渠京兆萬年人少慧悟涉覽經史初爲道士

復爲僧韓滉表試校書郎德宗誕日召之同佛老

師講論大義愛其辨博因奏七十詣詩旬日再轉

右補闕內供奉遷諫議大夫數召對奏事權傾宰

相終太常卿詩集十卷

宋志

今存詩二十一篇

權德

與爲集序舉曰初君年十一嘗賦銅雀臺絕句有拾遺李白見而大駭因授以古樂府之學且以琅琦軼授爲已任朝冠遂苦心藻慮儼詞比事纖密清巧度越群倫嘗著天竺寺十六韻魯郡文忠公序引而和之使畫工圖於仁祠摘句配境皆爲勝絕又於江南著卧疾三十韻晉國忠肅公手翰美之又與竟陵陸鴻漸竹山僧皎然爲方外侶周流三教出入無際寄詞諸理必於斯文

步虛詞十九首

玉簡真人降金書道錄通煙霞方蔽日雲雨已生風四極威儀異三天使命同那將人世戀不去上

清宮

羽駕正翩翩雲鴻最自然霞冠將月曉珠佩與星  
連鏤玉留新訣雕金得舊編不知飛鸞鶴更有幾  
人仙

上帝求仙使真符取玉韻師三才閑布象二景鬱生  
光騎吏排龍虎笙歌走鳳皇天高人不見暗入白  
雲鄉

鸞鶴其徘徊仙官使者催香花三洞啟風雨百神  
來鳳篆文初定龍泥印已開何須生羽翼始得上  
瑤臺

羽節忽排煙蘚君已得仙命風驅日月縮地走山川  
幾處留丹灶何時種玉田一朝騎白虎直上紫微天

靜發降靈香思神益智長虎存時促步龍想更成章  
扣齒風雷響挑燈日月光仙雲在何處髣髴滿空堂

幾度遊三洞何方召百神風雲皆守一龍虎亦全真  
執簡仙童小燒香玉女春應須絕巖內委曲問真人

上法杳無營玄修似有情道宮瓊作想真帝玉爲

名召岳馳旌節驅雷發吏兵雲車降何處齋室有  
仙卿

羽衛一何鮮香雲起暮煙方朝太素齋更向玉清  
天鳳曲凝猶吹龍驂儼欲前真文幾時降知在永  
和年

大道何年學真符此日催還持金作印木要玉爲  
臺羽節分明授霞衣整頓裁應緣五雲使教上列  
仙來

獨自授金書蕭條詠紫虛龍行還當馬雲起自成  
車九轉風煙合千年井竈餘參差從太一壽等混

元初

道學已通神香花會女真霞牀珠斗帳金薦玉輿  
輪一室心偏靜三天夜正春靈官竟誰降仙相有  
夫人

上界有黃房仙家道路長神來知位次樂變叶宮  
商競把琉璃盞誰傾白玉漿霞衣最芬馥蘇合是  
靈香

珠佩紫霞纓夫人會八靈太霄猶有觀絕宅豈無  
形暮雨徘徊降仙歌宛轉聽誰逢玉妃輦應檢九  
真經

西海辭金舄東方拜木公雲行疑帶雨星步欲凌  
風羽袖揮丹鳳霞巾曳彩虹飄飄九霄外下視望  
仙宮

玉樹襍金花天河織女家月邀丹鳳烏風送紫鸞  
車霧縠籠綃帶雲屏列錦霞瑤臺千萬里不覺往  
來賒

舞鳳凌天出歌麟入夜聽雲容衣眇眇風韻曲泠  
泠扣齒端金簡焚香檢玉經仙宮知不遠祇近太  
微星

紫府與玄洲誰來物外遊無煩騎白鹿不用駕青



牛金化類應駐雲飛髻不秋仍聞碧海上更用玉  
爲樓

鸞鶴復驂鸞全家去不難鷄聲隨羽化犬影入雲

看釀玉當成酒燒金且轉丹何妨五色綬次第給

仙官

此十九年有清泰三年三月二十六日戶部侍郎楊凝式所書真跡內十六十八首品彙

並作吳筠詩似誤

覽外生盧綸詩因以示此

衛玠清談性最强明時獨拜正員郎關心珠玉曾  
無價滿手瓊瑤更有光謀略久叅花府盛才名當  
帶粉闌香終期內殿聯詩句共汝朝天會怕梁

贈寶五判官

故舊相逢三兩家  
愛君兄弟有聲華  
文輝錦綵珠垂露  
逸興江天綺散霞  
美玉自矜頻獻璞  
真金難與細披沙  
終須撰取新詩品  
更比芙蓉出水花

丁籤五十七

至六十  
三同卷

唐音統籤卷三百五

張建封字本立南陽人少喜文章尚氣節歷官御

史大夫徐泗濠節度使名士往者如歸許孟容韓

愈皆爲之從事有詩文二百三十篇

見唐志  
宋志

今存

詩二篇

權德輿承詔爲其集序云公詩有仲宣之  
氣贊越石之清拔自徐入觀獻朝天行一

篇其還鎮也德宗皇帝新天文以送別至于內庭  
錫宴君唱和皆酌六義之英爲一時之盛又舊

唐書本傳云建封歸鎮復獻詩  
一篇自警勵今諸詩蓋失傳

### 競渡歌

五月五日天晴明楊花繞江啼曉鶯使君未出郡

齋外

上早聞齊和聲使君出時皆有準馬前已

被紅旗引兩岸羅衣破暈香銀釵照日如霜已鼓  
聲三下紅旗開兩龍躍出浮水來棹影幹波飛萬  
劍鼓聲劈浪鳴千雷鼓聲漸急標將近兩龍望標  
目如驛坡上人呼霹靂驚竿頭綵挂虹蜺暈前船  
擄水已得標後船失勢空揮橈瘡眉血首爭不定  
輪岸一朋心似燒只將輸贏分罰賞兩岸十舟五  
來性須臾戲罷各東西競脫文身請書上吾今細  
觀競渡兒何殊當路權相持不思得岸各休去會  
到推車折檻時

酬韓校書愈打毬歌

僕本修文持筆者今來帥領紅旌下不能無事習  
蛇矛開就平場學使馬軍中伎癢驍智材競馳駿  
逸隨我來護軍對引相向去風呼月旋朋先開俯  
身仰擊復傍擊難於古人左右射齊觀百步透短  
得誰羨養由遙破的儒生疑我新發狂武夫愛我  
生雄光杖移鬚底拂尾後星從月下流中場人不  
約心自一馬不鞭蹄自疾凡情真辨捷中能拙目  
翻驚巧時失韓生訝我爲斯藝勸我徐驅作安計  
不知戎事竟何成且愧吾人一言惠

丁籤五十八

張薦字孝舉深州人大曆中史館修撰貞元中歷  
諫議大夫工部侍郎三使絕域歿於吐蕃之赤嶺  
集三十卷宋志今存詩二篇

和權載之離合詩

移居既同里多幸陪君子引雅重當朝弓旌早見  
招植根瓊林圃直夜金闈步勸深子玉銘力競相  
如賦間濶向春闈日復想光儀格言信難繼木石  
強爲詞

和蕭孟陽廻文絕句

遲遲日氣暖漫漫雪天春知君欲醉飲思見此交

親

丁籤五十九

崔元翰名鵬以字行博陵人年五十取應爲京兆解頭禮部狀頭又宏詞及制科三等勅頭歷官禮

部員外知制誥終比部郎中集三十卷

宋志十卷多制誥詞

也今存詩六篇

禮德輿序其文如黃鐘玉磬琤璫璣環奏於懸間列於西序雖漢廷

諸公無以加介特寡徒晚達中廢斯亦命之所賦也

奉和聖製重陽旦日百寮曲江宴示懷

偶聖覩昌期受恩慙弱質幸逢良宴會况是清秋日遠岫對壺觴澄瀾映簪紱炮羔備豐膳集鳳調

鳴律薄劣廁英豪歡娛忘衰疾平臯行鴈下曲渚  
雙鳬出沙岸菊開花霜枝果垂實天文見成象帝  
念資勤恤探道得玄珠齋心居特室豈如橫汾唱  
其事從難課驕逸作佳

奉和聖製中元日題奉敬寺

妙道非本說殊途成異名聖人得其要俱以化群  
生鳳吹從上苑龍宮連外城花鬋列後殿雲車駐  
前庭松竹含新秋軒窓有餘清緬懷空同事須繼  
簫管聲離想境都寂忘言理更精域中信稱大天  
下乃爲輕屈已由濟物堯心豈所榮



奉和登玄武樓觀射卽事書懷賜孟涉應制  
寧歲常有備殊方靡不賓禁營列武衛帝座彰威  
神講事一臨幸加恩徧撫巡城高鳳樓登塲迴獸  
侯新飲羽連百中控絃踰六鈞揀材盡爪士受任  
皆信臣光賞文藻麗便繁心膺親復如觀太清昭  
爛垂芳辰

清明卧病不得遊開元寺酬諸公

山色入層城鍾聲臨複岫乘閒息邊事探異憐春  
候曲閣下重堦迴廊遙對雷石間花遍落草上雲  
時覆鑽火見樵人飲泉逢野獸道情親法侶時望

登朝右執憲糾姦邪刊書正訛謬茂才當時選公  
子生人秀贈答繼篇章歡娛重用舊垂簾獨衰疾  
擊缶酬金奏

雜言奉和聖製至承光院見自生藤感其得  
地因以成詠應制

新藤正可翫得地又逢時羅生密葉交綠蔓欲布  
清陰垂紫蕤已帶朝光暖猶含輕露滋遙依千華  
殿稍上萬年枝餘芳連桂樹積潤傍蓮池豈如幽  
谷無人見空覆荒榛雜兎緣聖心對此應有感隱  
跡如斯誰復知懷賢勞永歎比物賦新詩聘丘園

訪茅茨爲謝中林士王道本無私

雨中對後簷叢竹

含風搖硯水帶雨拂墻衣乍似秋江上漁家半掩扉

丁籤六十

盧景亮字長晦范陽人少孤學無不覽善屬文德宗時歷右補闕餒殺無所回貶斥二十年至元和初召還再遷中書舍人詩一篇

名載文苑傳志無集

寒夜聞霜鐘

洪鐘發長夜清響出層岑暗入繁霜切遙傳古寺

深何城亂遠漏幾處雜踈砧已警離人夢仍沾旅  
客襟待時當命侶抱耄本無心儻若無知者誰能  
設此音

丁籤六十一

羅讓字景宣會稽人少以文學知名舉進士宏辭  
賢良方正皆高第歷尚書郎散騎常侍終江西觀  
察使集三十卷唐志有  
宋志無今存詩二篇

梢雲

一作  
曹松

殊質資靈脫陵空發瑞雲梢梢含樹彩

一作  
影

郁郁

動霞文不比因風起全非觸石分葉光開泛灑枝

杪靜氛氲隱見心無宰徘徊慶自君翺飛如可託  
長願在橫汾

閏月定四時

月閏隨寒暑疇人定職司餘分將考日積筭自成  
時律候行宜表陰陽運不欺氣薰灰琯聽數勅封  
辭推六律文明序三年理暗移當知歲功立唯是  
奉無私

丁籤六十二

張登南陽人初就辟歷殿中侍御史貞元中董賊  
江南拜漳州刺史坐劾感疾卒文集六卷

唐宋今  
志同

存詩四篇權德輿爲其序云其剛潔介特不愆和從俗循性屬詞發爲英華故其賦有云賜必聞而知斃龍雖屠而不馴感憤頓挫放言叙心二十年間數免希遷兆憂賈禍斯亦從古才士所患也

### 上巳泛舟

令節推元巳天涯喜有期  
初筵臨泛地舊俗被禳時  
狂渚潮新上殘春日正遲  
竹枝遊女曲桃葉渡江詞  
風鷁今方退沙鷗亦未疑  
且同山簡醉倒載莫褰帷

### 送王主簿遊南海

平生推久要留滯共三年  
明日東南路窮荒霧露

天曠懷常寄酒素業不言錢道在貧非病時來醜  
亦妍遇山乘蠟屐涉海附樓船行矣無爲限宗門  
有大賢

小雪日戲題絕句

甲子徒推小雪天刺梧猶綠槿花然融和長養無  
時歇却是炎洲雨露偏

招客遊寺

江城吏散倦春陰山寺鳴鍾隔雨深招取遺民赴  
僧社竹堂分坐靜看心

句

孤高齊帝石瀟洒晉亭峯

漳州名勝志梁山蓮花峰相傳爲齊武帝所賞

晉亭以葛洪得名

境曠窮山外城標漲海頭

丁籤六十三

陳詡字載物閩縣人大曆中登進士第貞元中官

戶部郎中知制誥詩十卷

唐志有宋志亡

今存詩七篇

登城樓作

井邑白雲間巖城遠帶山沙墟陰欲暮郊色淡方

閒孤迢迢榕岸層巒破枳關寥寥分遠望暫得一

開顏

宴栢臺

見閩南唐雅



華臺陳桂席密榭宴清真栢葉猶霜氣桃花似蓮  
津青樽照深夕綠綺映芳春欲憶相逢後無言嶺  
海人

過馬侍中亭

見閩南  
唐雅

草色照雙扉軒車到客稀苔衣香屐迹花綬少塵  
飛薄望憐池淨開畦愛雨肥相遇忘日晏坐待白  
雲歸

寄邵校書楚萇

愛酒時稱僻高情自不凡向人方白眼違俗有青  
巖雲際開三迤煙中掛一帆相期同歲晚閒興與

松杉

龍池春草

青春光鳳苑細草遍龍池  
曲渚交蘋葉廻塘惹柳枝  
因風初冉冉覆岸欲離離  
色帶金堤靜陰連玉樹移  
日光浮灝靡波影動參差  
豈比生幽遠芳聲衆不知

郊行示友人

水開長鏡引諸巒春洞花深落翠寒  
醉向綠蘿驚自醒與君清耳聽松湍

送別蕭二

見閩南唐雅

摘花香覆白蘋洲江引輕  
人遠遠千里雲天風  
雨夕憶君不敢再登樓

丁籤六十四

唐音統籤卷三百六

戴叔倫字幼公潤州金壇人師事蕭頴士爲門人

冠劉晏掌鹽鐵表主管湖南歷撫州刺史容管經

略使所至治行稱最德宗嘗賦中和節詩遣使者

寵賜世以爲榮集十卷今編詩二卷附錄一卷

唐宋

志述藝十卷宋志詩一卷今代雲間宋氏刻本二

卷但中雜元人丁鶴年本朝劉崧詩數首而他詩

亦有引用後代事者訛僞不一今稍加刪訂其見

於中興間氣又玄才調三集文苑英華郭氏樂府

洪氏絕句紀事三體高氏品藻確然無僞者定爲

正集二卷餘在疑似間者別爲附錄一卷庶不相

殺亂云商仲武云叔倫爲人溫雅善舉止無賢

不肖見皆盡心詩體雖不中越格然解字經山火

公田沒海潮亦指事造形之工者其骨氣稍輕故

詩亦少

集公武曰叔倫唐史不稱其能詩正以

時人少其綿弱耳 劉須溪云  
初公諸詩極處更深長處愈淺

五言古詩

古意

悠悠南山雲濯濯東流水念我平生歡托居在東  
里失既不足憂得亦不爲喜安貧固其然處賤寧  
獨耻雲開虛我心水清澹吾味雲水俱無心斯可  
長伉儷

獨不見

前宮路非遠舊苑春將遍玉戶看早梅雕梁數飛  
歸一作鷺身輕逐舞袖香暖傳歌扇自和秋風詞長

侍昭陽殿誰信後庭人年年獨不見

去婦怨

出戶不敢啼風悲日淒淒心知恩義絕誰忍分明  
別下坂車麟麟畏逢鄉里親空持牀前幔却寄家  
中人忽辭王吉去爲是秋胡死若比今日情煩冤  
不相似

孤石

迥若千仞峰孤危不羣鳳早晚他山來猶帶煙雨  
跡貞堅自有分不亂荆氏壁

竹

卷釋正離披新發復蒙密脩脩月下聞香襲林際  
出豈獨對芳菲終年色如一

梧桐

亭亭南軒外貞幹脩且直廣葉結青陰繁花運素  
色天然麗雅性不愧知音識

花

花發炎景中芳春獨能久因風任開落向日無先  
後若待秋霜來蘭蓀共何有

七言古詩

女耕田行

乳鷺入巢筍成竹誰家二女種新穀無人無牛不  
及犁持刀斫地翻作泥自言家貧母年老長兄從  
軍求娶嫂去年灾疫牛固空截絹買刀都市中頭  
巾掩面畏人識以刀代牛誰與同姊妹相攜心正  
苦不見路人唯見土疏通畦壠防亂苗頗溝塍待  
待時雨日正南岡下餉歸可憐朝雉棲驚飛東鄰  
西舍花發盡其惜餘芳淚滿衣

柳花歌送客往桂陽

湓浪渡頭柳花發斷續因風飛不絕搖煙拂水積  
翠間綴雪含霜誰忍攀夾岸紛紛送君去鳴榔孤



尋到何處移家深入桂水源種柳新成花更繁定  
知別後消盡散却憶今朝傷旅魂

懷素上人草書歌

楚僧懷素工草書古法盡能新有餘神清骨竦意  
真率醉來爲我揮健筆始從破體變風姿一一花  
開春景遲忽爲壯麗就枯澁龍蛇騰盤歌屹立馳  
毫聚墨劇奔洒滿座失聲看不及心手相師勢轉  
奇詭形惟狀翻合宜人人細問此中妙懷素自言  
初不知

五言律詩

長門怨

自憶專房寵曾居第一流移恩向他處

一作何處去一作向

何暫妬不容收夜靜管絃絕月明宮殿秋空將舊時意長望鳳凰樓

京口懷古

大江橫萬里古渡渺千秋浩浩風聲險蒼蒼天色愁三方歸漢鼎一水限吳州霸國今何在清波長自流

湘中懷古

昔人從逝水有客弔秋風何意千年隔論心一日

同楚亭方作亂漢律正酬功倏忽桑田變讒言亦  
已空

經巴東嶺

巴山不可上徒馭亦徘徊舊校歎難度朝雲濕未  
開瀑泉飛雪雨驚獸走風雷此去無停候征人幾  
日回

巡諸州漸次空靈戍

寒盡鴻先去江迴客未歸早知名是幻不敢繡爲  
衣霧積川源暗山多郡縣稀明朝下湘岸更逐鴈  
鵠飛

過柳州

地盡江南戍山分桂北林  
火雲三月合石路九疑深  
暗谷隨風過危橋共鳥尋  
羈魂腸自絕不復待猿吟

過申州

萬人曾戰歿幾處見休兵  
井邑初安堵兒童未長成  
涼風吹古木野火入殘營  
牢落千餘里山空水復清

次下牢韻

獨立荒亭上蕭蕭對晚風  
天高吳塞濶日落楚山

空猿叫三聲斷江流一水通前程千萬里一夕宿巴東

除夜宿石頭驛

旅館誰相問寒燈獨可親一年將盡夜萬里未歸人  
寥落悲前事支離笑此身愁顏與衰鬢明日又逢春

江鄉故人偶集客舍

天秋月又滿城闕夜千重還作江南會翻疑夢裏逢  
風枝驚暗鵲露草覆寒蛩羈旅常堪醉相留畏曉鐘

逢許評事

一作送友人東歸

萬里楊柳色出關逢故人輕煙拂流水落日照行塵  
積夢江海濶憶家兄弟貧徘徊灞亭上不語共傷春

汝南逢董校書

擾擾倦行役相逢陳蔡間如何百年內不見一人間  
對酒惜餘景問程愁亂山秋風萬里道又度穆陵關

彭婆館逢韋判官使還

受辭分路遠會府見君稀雨雪經年去軒車此日

歸暮春愁見

一作更

別久客喜相依寂寞伊川上楊

花空自飛

京口逢皇甫司馬副端曾舒州辭滿歸去東

都

潮水忽復至雲帆儼欲飛故園雙闕下左宦十年  
歸晚景照華髮涼風吹別衣淹留更一醉老去莫  
相違

漢南遇方評事

一作襄州遇  
房評事由

移家住漢陰不復問

一作同

華簪貫酒宜城近燒田

夢澤深暮山逢鳥入寒水見魚沉與物皆無累終

年愜本心

李大夫見贈因之有呈

何言訪衰疾旌旆重淹留謝禮誠難荅裁詩豈易  
酬江清寒照動山迥野雲秋一醉龍沙上終歡勝  
舊遊

長安早春贈萬評事

春風歸

一作過

戚里曉日上花枝清管新鶯發重門

細柳垂經過千騎客調笑五陵兒何事靈臺客

一作

宿

狂歌自

一作獨

不知

贈韋評事儼



與道其浮沉人間歲月深是非園吏夢憂喜塞翁  
心細草誰開徑芳條自結陰由來居物外無事可  
抽簪

客舍秋懷呈賂正字士則

無言堪自喻偶坐更相悲木落驚年長門閑惜草  
衰買山猶未得諫獵又非時誤被浮名繫歸休慚  
欲遲

郊園卽事寄蕭侍郎

一作呈蕭  
常州復

衰鬢辭餘秩秋風入故園結茅成暖室汲井及清  
源鄰里桑麻接兒童笑語喧終朝非役役聊寄遠

人言

暮春沐髮晦日書懷寄韋功曹渢李錄事從  
訓王少府純

朝沐敞南扉盤跚待日晞持

一作揚

梳髮更落覽鏡

意多違吾友見嘗少春風去不歸登臨取一醉猶  
可及芳菲

寄中書李舍人綰

萍翻蓮自卷不共本心期復入重城裏頻看百草  
滋水流歸思遠花發長年悲盡日春風起無人見  
此時

潭州使院書情寄江夏賀蘭副端

雲雨一蕭散，悠悠關復河。俱從汎舟役，近隔洞庭波。  
楚水去不盡，秋風今又過。無因得相見，却恨寄書多。

早行寄朱放

山曉旅人去，天高秋氣悲。明河川上沒，芳草露中衰。  
此別又千里，少年能幾時。心知剡溪路，聊且寄前期。

新秋夜寄江右友人

遙夜獨不寐，寂寥蓬戶中。河明五陵上，月滿九門

東萬里交親散故園江海空懷歸正南望此夕起  
秋風

酬別劉九郎評事專經同泉字

舉袂揮離絃枉君愁思篇忽驚池上鷺

一作下作

正咽鵬頭泉對牖墻陰滿臨扉日影圓賴聞黃太

守章句此中傳

留別道州李使君所

瀧路下丹微翻童揮畫鏡山回千騎隱雲斷兩鄉  
通漁浦寒溜畚田落遠燒維舟更相憶惆悵坐

空

一作宵

臨川從事還別崔法曹

謬官辭職免監獄會平反遠與故人別龍鐘望所  
言陰天寒不雨古木夜多猿老病北歸去餘年學  
灌園

夔州路別錄事

府中相見少江上獨行遙會日起離恨新年別舊  
寮春雲猶伴雪寒渚未通潮回首羣山暝思君轉  
寂寥

將遊東都留別包諫議

衰容慙墨綬素舸逐秋風雲雨恩難報江湖意已

終縣當仙洞口路出故園東唯有新離恨長留夢  
寐中

海上別薛舟

行旅悲搖落風波厭別離客程秋草遠心事故人  
知暮鳥翻江岸征徒起路岐自應無定所還似欲  
相隨

潛處士宅會別

相邀寒影晚惜別故山空鄰里疎林在池塘野水  
通十年多難後一醉幾人同復此悲行子蕭蕭逐  
遠蓬

灞岸別友

車馬去遲遲  
離言未盡時  
看花一醉別  
會面幾年期  
灞路高山館  
漁洲楚帝祠  
南登回首處  
猶得望京師

留別宋處士

留歡方繼燭  
此會豈他人  
鄉里遊從舊  
兒童內外親  
夜深愁不醉  
老去別何頻  
莫折園中柳  
相看惜暮春

逢友生言別

安親非避地  
羈旅十餘年  
道長時流許  
家貧故舊

憐相逢今歲暮遠別一方偏  
去住俱難說江湖正渺然

送崔拾遺峒江淮訪圖書

九重辭諫譴萬里採風謠  
關外逢秋月天涯過晚潮  
鴈飛雲杳杳木落浦蕭蕭  
空怨他鄉別翅舟暮寂寥

通事長史繼之任常州

不與名利隔且爲江漢遊  
吳山本佳麗謝客舊淹留  
快道集作路通陵口貧家住蘇州  
思歸復怨別寥

落詎關秋



南賓送蔡侍御遊蜀

巴江秋飲盡遠別更悽然月照高唐峽人隨賈客  
船積夢藏險路流水促行年不料相逢日空悲鐫  
酒前

長沙送梁副端歸京

秦書歸闕下祖帳出湘東滿座他鄉別何年此會  
同藉芳憐岸草聞笛怨江風且莫乘流去心期在  
醉中

送郭太祝中孚歸江東

鄉人去欲盡北鴈又南飛京洛風塵久江淮音信

穉舊山知獨往一醉莫相違未得辭羈旅無勞問  
是非

送謝夷甫宰鄧縣

君去方爲縣干戈尚未銷邑中殘老小亂後少官  
僚解字經山火公田沒海潮到時應變俗新政滿  
餘姚

送李明府之任

身爲百里長家體五諸侯含笑聽猿飲搖鞭望斗  
牛梅花堪比雪芳草不知秋別後南風起相思夢  
嶺頭

送萬戶曹之任楊州便歸舊隱

擬歸雲壑去聊寄宦名中俸祿資生事文章實一作

詩高園風聽潮回一作楚浪看月照隋宮儻有登

樓望還應伴庾公

送王翁信及第後歸江東舊隱一作方

南行無俗侶秋鴈與寒一作雲野趣自多愜各香

日總聞吳山中路斷浙水半江分此地登臨慣會

情一送君

廣陵送趙主簿自蜀歸絳州寧觀

將歸汾水上遠省錦城來已泛西江盡仍隨北鴈

迴暮雲征馬速曉月故關開漸向庭闈近留君醉  
一杯

送李審之桂州楊中丞叔

知音不可遇才子向天涯遠水下山急孤舟上路  
賒亂雲收暮雨雜樹落秋花到日應文會風流勝  
阮家

送柳遵時余北還

征役各異路

一作行役  
各遠路

煙波同旅愁輕橈上桂水

大鰲下揚州何處成後會今朝分舊遊離心比楊  
柳蕭颯不勝秋

清明日送鄧芮還鄉

一作方干詩

鐘鼓喧離室車徒促夜裝曉厨新變火輕柳暗翻  
霜轉鏡看華髮持盃話故鄉每嫌兒女淚今日自  
沾裳

送少微上人入蜀

十方知不繫一念偶尋山望剎經巴寺持瓶向蜀  
關亂猿心本定流水性長閒世俗多離恨王城幾  
日還

送道虔上人遊方

律儀通外學詩思入玄關煙景隨緣到風姿與道

閒貫花留靜室呪水度空山誰識浮雲意悠悠天  
地間

送嵩律師頭陀寺

相傳五部學更有一人成此日靈山去

一作此夕  
分身去

何方半座迎麻衣逢雪煖草履躡雲輕若見中林  
石應知第四生

和尉遲侍郎夏杪聞蟬

楚人方苦熱柱史獨聞蟬晴日暮江上驚風一葉  
前蕩搖清管難幽咽野風傳旅舍聞君聽無由更  
晝眠

五言排律

酬張衆甫

野人無本意散木任天材  
分向空山老何言上苑  
來超遙千里道依倚九層臺  
出處寧知命輪轅豈  
自媒更慙張處士相與別蒿萊

和河南羅主簿送校書兄歸江南

兄弟泣殊方天涯指故鄉  
斷雲無定處歸鴈不成  
行草莽人煙少風波水驛長  
上虞親渤海門潮滌滌沙岸  
瀟湘古戍陰傳火寒蕪曉帶霜  
海門潮滌滌沙岸  
荻蒼蒼京輦辭芸閣衡芳憶草堂  
知君始寧隱

緝舊荷裳

漸次涪州先寄王員外使君縱

文教通

一作記

夷俗均輸問火田江分已字水樹入

夜郎煙毒瘴含秋氣陰崖閉曙天路難空計日身

老不由年將命寧知

一作辭

遠歸心詎可傳星郎復

何意

一作事

出守五溪邊

曉聞長樂鐘聲

漢苑鐘聲早秦郊曙色分霜凌萬戶微風散一城  
聞已啟蓬萊殿初朝鴛鴦群虛心方應物大扣欲  
千雲近雜雞人唱新傳見氏文能令翰苑客流聽



思永齋

卷終